

Bwrdd Iechyd Prifysgol Betsi Cadwaladr

Datganiad Personol

Rydym yng nghanol cyfnod llawn heriau: mae canran o'r boblogaeth yn dal i ddioddef canlyniadau'r pandemig; mae costau byw yn gyrru mwy o bobl i mewn i dlodi; rydym yn ceisio ymateb i'r her newid hinsawdd ac mae mwy o bobl nac o'r blaen yn ceisio mynediad i wasanaethau iechyd a lles. A hyn oll gydag arian cyhoeddus yn lleihau yn sylweddol. Mae'r cyd-destun hwn yn tanlinellu yr angen i ni geisio gwneud pethau yn wahanol a dyma gyfle i ni ymgysylltu gyda'r gweithlu, defnyddwyr gwasanaeth a phobl yn ein cymunedau. Dyna pam, yn fy swydd bresennol fel arweinydd ym myd iechyd, rwyf wedi mynd ati yn gyson i gyfarfod staff yn y man gwaith a defnyddwyr gwasanaeth yn ogystal. Yn ddiweddar, bues yn cyfarfod gyda theuluoedd oedd wedi dioddef oherwydd diffygion difrifol un gwasanaeth; dwi wedi trafod defnydd o weithwyr asiantaeth gyda chynrychiolwyr undeb ac wedi symud Cyfarfod Blynyddol i fod yn gyfarfod byr, ffurfiol i fod yn ddigwyddiad cyhoeddus mewn canolfan gymunedol, fel arwydd o'r bwriad i droi'r sefydliad o fod yn fwrdd iechyd sydd yn edrych i mewn i fod yn fwrdd sydd yn edrych allan

Rwyf wedi cael cyfle i arwain a dylanwadu ar strategaethau yn ystod fy nghyfnod fel Cadeirydd, Cyfarwyddwr Anweithredol ac Arweinydd Cyngor. Yn gyffredin i'r cyfnodau yma bob amser yw'r pwyslais ar ddau peth – y deilliannau ar gyfer y cyhoedd a'r angen i fabwysiadu dulliau amgen o gyrraedd pobl, i fod yn fentrus ac yn greadigol. Yn fy cyn swydd fel Arweinydd Cyngor, gweithiais gyda swyddogion ac aelodau perthnasol i greu trefn ofalus o strategaeth ariannol. Fel canlyniad, cymerwyd agwedd tymor canol/tymor hir i gyllidebau a threfn fanwl o ymgynghori cyhoeddus gan roi cyfle i'r cyhoedd chwarae rhan allweddol yn y gwaith o flaenoriaethu. Gwnaethpwyd hynny gan fanylu ar bob agwedd o gyllideb y Cyngor, manylu ar waith gwasanaethau ac adrannau ac egluro effaith unrhyw doriad mewn cyllideb. Cyflawnwyd y gwaith hwn mewn gweithdai pwrpasol gyda'r cyhoedd, aelodau'r cyngor a phartneriaid allweddol. Roedd y drefn gynhwysfawr hyn yn adnabod y cyhoedd fel adnodd yn y gwaith o geisio gwneud penderfyniadau wrth canfod barn. Roedd hefyd yn fodd i'r cyhoedd ac eraill ddeall gweithgareddau'r Cyngor yn well a'r penderfyniadau ariannol anodd oedd yn ein wynebu. Roedd fy rôl i yn golygu atgoffa pawb o'r angen i ni osod cyllideb a sicrhau fod dealltwriaeth clir o effaith penderfyniadau. Wedi mynd trwy'r broses gynhwysfawr hon gyda'r cyhoedd ac aelodau'r Cyngor, roeddwn mewn sefyllfa gref o gael y gefnogaeth angenrheidiol i osod cyllideb a lefel treth y cyngor ac yna rhoi'r gwasanaethau ar waith i baratoi'r arbedion dros gyfnod.

Rwyf wedi dysgu llawer yn sgil fy nghyfnod fel Cadeirydd, Arweinydd Cyngor ac fel Cyfarwyddwr Anweithredol. Un ohonynt yn ddi-os ydi'r gallu i gamu yn ôl o wres y gwaith penderfyniadau allweddol a phwyso a mesur cyn dod i gasgliad ynglyn â'r ffordd ymlaen. Mae gwneud penderfyniad o bwys a gosod cyfeiriad yn broses well wedi cynnal trafodaethau cynhwysfawr a phwrpasol gan gynnwys gyda'r dinesydd a defnyddwyr gwasanaeth. Nid oes gan neb ohonom fonopoli ar y gwirionedd ac mae

creu'r amodau cywir i sicrhau cyfraniad gan eraill tu allan i'r cylch arferol yn allweddol. Rwyf wedi cael cyfle dros amser i finio fy sgiliau i weithio fel rhan o dîm, yn herio ac yn cefnogi'n gilydd ac yn cynnal trafodaethau gydag ymchwil ac ystadegau pwrpasol sydd yn sicrhau bod penderfyniadau yn cael eu gwneud yn unol â thystiolaeth.

Roedd fy ngwaith fel Arweinydd Cyngor ac fel Llefarydd Cymdeithas Llywodraeth Leol Cymru yn golygu gweithio mewn partneriaeth ac eraill a cheisio dylanwadu ar gyfeiriad strategol a pholisi – yn lleol, rhanbarthol a chenedlaethol. Gweithiais yn agos gyda rhai gweinidogion a swyddogion fel rhan o'r gwaith gan gael cyfle i gynnal trafodaethau a cheisio cyflwyno rhai posibilïadau o ran polisi: enghraifft o hynny yw'r gallu i awdurdodau lleol i godi premiwm ar ail gartrefi a thai gwag.

Credaf fy mod wedi datblygu'r sgiliau sydd angen i gyd-drafod ac argyhoeddi eraill, boed yn grwpiau sydd yn cynrychioli'r sector wirfoddol yn lleol neu'n weinidogion a swyddogion Llywodraeth Cymru. Roeddwn wedi arfer gweithio o fewn cyd-destun gwleidyddol heriol yn fy swydd fel Arweinydd Cyngor, heb fwyafrif clir, ond yr un pryd wedi llwyddo i ddatblygu agenda o newid a moderneiddio gwasanaethau o'r maes addysg i'r maes gofal. Gobeithio fy mod wedi llwyddo i daro'r cydbwysedd yna o fod yn cyflwyno dadleuon gydag angerdd ac argyhoeddiad a thystiolaeth gadarn a ffeithiau allweddol yr un pryd. Bu achos o geisio newid darpariaeth ar gyfer oedolion gydag anghenion mewn un rhan o'r sir, gan greu darpariaeth newydd byddai'n cyfarfod anghenion y defnyddwyr a theuluoedd yn well. Ond cafwyd gwrthwynebiad lleol cryf. Darbwyllais rai i drefnu ymweld a darpariaeth debyg yn Lloegr ac fel canlyniad cafwyd gefnogaeth i'r newid ac ennill eiriolwyr i'r achos. A dyna egwyddor sylfaenol i mi wrth lunio unrhyw strategaeth, megis yr angen i ddangos y byd newydd – beth sydd am newid a sut fydd pethau'n well. A rhaid gwneud hynny yn gadarnhaol a chynnig gobaith i bobl.

Mae llywodraethiant da yn sylfaen i bob sefydliad. Ar hyn o bryd rwyf yn gweithio o fewn cyd-destun ble mae llywodraethiant wedi bod yn hanesyddol wan. Fel canlyniad rwyf yn ceisio, gydag eraill, i ail-osod y disgwyliadau a'r diwylliant: atgoffa pawb o'r angen i gydymffurfio gyda threfn adrodd i bwyllgorau ac i beidio hyrwyddo proses sydd yn funud olaf. Mae fy mhrofiad fel Cadeirydd Pwyllgor Archwilio a Llywodraethiant sefydliad arall wedi bod o gymorth i mi yn hyn o beth. Hefyd fy mlynyddoedd fel Arweinydd Cyngor, a'r pwyslais cryf ar atebolrwydd cyhoeddus.

Rwy'n gobeithio fod gennyf yr ystod eang o brofiadau a sgiliau i gyfrannu'n adeiladol at y gwaith o fod yn Gadeirydd Bwrdd Iechyd Prifysgol Betsi Cadwaladr yn ystod y cyfnod heriol ond cyffrous hwn. Rwyf yn frwdfrydig ac yn adeiladol fy agwedd bob amser a'r hyn sydd yn fy ngyrru yw'r cyfle i wneud gwahaniaeth gan gydweithio gydag eraill i greu Cymru decach a Chymru iachach.

CURRICULUM VITAE

Enw: Dyfed Edwards

Proffeil Personol

- Arweinydd a datblygwr strategol profiadol ar lefelau lleol, rhanbarthol a chenedlaethol
- Yn gyfarwydd â gosod targedau a gweithredu mesurau er mwyn sicrhau cynnydd yn unol a'r amcanion
- Profiad o reoli cyllidebau sylweddol
- Yn abl i wneud penderfyniadau ar y cyd gan weithio mewn tîm
- Yn ddylanwadol ac yn gallu argyhoeddi gyda hanes o ddyfal parhad
- Cefndir byd busnes fel sylfaenydd cwmni cyhoeddi cerddoriaeth

Sgiliau

- Profiad o weithio ar draws y sector cyhoeddus, yn lleol, yn rhanbarthol ac yn genedlaethol
- Cadeirydd a Chyfarwyddwr Anweithredol profiadol ar gyrrff cyhoeddus yng Nghymru
- Is-Gadeirydd a Chadeirydd Pwyllgorau profiadol
- Cyfathrebwr medrus – profiad eang fel llefarydd a chyswllt ar gyfer y cyfryngau ar faterion lleol, rhanbarthol a chenedlaethol yn ogystal â chyflwyno tystiolaeth i bwyllgorau Senedd Cymru
- Yn brofiadol ac wedi ennill parch fel negodwr, gan weithio'n agos gyda Gweinidogion a swyddogion Llywodreth Cymru
- Yn gwbl ddwyieithog yn y Gymraeg a'r Saesneg

Addysg a Chymwysterau

Cydnabyddwyd yn Wleiddydd Lleol y Flwyddyn yn 2009; Graddedig o Academi Arweinyddiaeth yr Improvement and Development Agency (IDeA) 2008; Tystystgrif gan y Sefydliad Addysg a Hyfforddiant Ariannol, Prifysgol Bangor 1999; B. Mus (Anrhydedd), Prifysgol Cymru, Caerdydd 1980; Tysysgrif Addysg i Raddedigion 1981; 2 Lefel 'A' Ysgol Rhiwabon, Wrecsam 1977; 7 Lefel 'O' Ysgol Rhiwabon, Wrecsam

Cyflogaeth a Phrofiad Gwaith

- 2023 – Cadeirydd dros dro Bwrdd Iechyd Prifysgol Betsi Cadwaladr
- 2022 - Comisiynydd, Comisiwn Trafnidiaeth Gogledd Cymru
- 2021 – Aelod Cyngor Partneriaeth y Gymraeg, Llywodraeth Cymru
- 2017 - Cyfarwyddwr Anweithredol Awdurdod Cyllid Cymru

- Is-Gadeirydd a Chadeirydd y Pwyllgor Pobl

2018 - Cyfarwyddwr Anweithredol Iechyd Cyhoeddus Cymru

- Cadeirydd Pwyllgor Archwilio a Llywodraethu Corfforaethol

2008 – 2017: Arweinydd, Cyngor Gwynedd

2011 – 2017: Llefarydd Tai, Treftadaeth a'r Iaith Gymraeg Cymdeithas Llywodraeth Leol Cymru

2011 – 2012: Llefarydd Yr Amgylchedd, Cynaliadwyedd a Gwastraff Cymdeithas Llywodraeth Leol Cymru

2008 – 2017: Aelod Is-Grŵp Cyllid Llywodraeth Cymru/Awdurdodau Lleol Cymru

2008 – 2017: Aelod Bwrdd Arweinyddiaeth Gogledd Cymru

2008 – 2017: Aelod Bwrdd Gwasanaethau Lleol/Cyhoeddus Gwynedd-Môn

(Cyn-Gadeirydd)

2008 – 2017: Dirprwy Lywydd, Cymdeithas Llywodraeth Leol Cymru

2016 – 2017: Aelod Grŵp Arbenigol ar Ddarparu tai ar gyfer poblogaeth sy'n heneiddio, Llywodraeth Cymru

2015 – 2017 Aelod Tasglu Ffoaduriaid Syria, dan nawdd Llywodraeth Cymru

2012 – 2013: Aelod Grŵp Gorchwyl a Gorffen Cymunedau Cymraeg, Llywodraeth Cymru

2008-2012: Llefarydd Treftadaeth, yr Iaith Gymraeg, Chwaraeon a'r Celfyddydau Cymdeithas Llywodraeth Leol Cymru

2007-2008: Aelod Portffolio Addysg Cyngor Gwynedd

1992: Sefydlwyd CURIAD – cyhoeddwr cerddoriaeth blaenllaw; ymddiswyddwyd fel cyfarwyddwr 2012

1988 – 1992: Gweithio yn llawrydd gan weithio ym myd cerdd yn cyfansoddi ac yn gwneud gwaith gyda chwmni cyhoeddi cerddoriaeth

1986 – 1988: Pennaeth Cerdd Ysgol y Gader, Dolgellau

1981 – 1986: Pennaeth Cerdd Ysgol Uwchradd Cei Connah

Diddordebau eraill

Cymunedol

- Cyn-lywodraethwr Ysgol Dyffryn Nantlle ac Ysgol Bro Lleu, Pen-y-groes (cyn-Gadeirydd)
- Cyfarwyddwr Antur Nantlle Cyf. (Asiantaeth Adfywio Economaidd)
- Yn gwirfoddoli gyda chynllun Llond Bol yn Nyffryn Nantlle

- Sylfaenydd a gwirfoddolwr gyda IwthPen, cynllun ar gyfer pobl ifanc yn Nyffryn Nantlle
- Cyn-gyfarwyddwr Ymddiriedolaeth Tir Cymunedol Dyffryn Nantlle
- Cyn aelod Pwyllogr Llywio Codi'r To – prosiect 'El Sistema' yng Nghaernarfon a Bangor

Hamdden

- chwaraeon
- y celfyddydau
- darllen